

亞拉伯志
十亞細亞志

一
函
二
冊
函

光緒三十三年夏

學部圖書局印行

小亞西亞志

亞洲極西有一凸出大陸之地。界乎黑海及地中海東偏流域之間。其西北與歐洲至逼近。僅有二狹窄之海峽。一名博斯破魯斯。一名他大尼里者以隔之。此地南北界於北緯綫三十六度及四十二度之間。而東西則界於東經二十六度及四十度之內。其面積與法蘭西相等。然較之西蒲半島則畧小。此地與西蒲半島情形至有相類之處。此地三面有天然之界限。其北爲黑海。其西爲愛琴海。其南爲地中海。獨其東界則尙未能顯分。自地中海極東北之伊斯肯得隆灣起。有聯山直貫全地。至於黑海濱近達拉布松之地。此山時起時伏。初視之似不爲聯山。然其中有數山。似與南部之討魯斯山相連。亦有數山似與北部亞美尼亞之高原或山相連。而阿付拉底大河。直奔此中央山嶺而出。與此大聯山適成正角之形。因此之故。小亞西亞之東界幾無能自別於亞美尼亞或美索不達米亞等地。故歷代對於此間之治權。亦淆亂莫可分別。今欲便於讀者。則不得不虛爲懸擬。

一界限。試自司肯得隆灣起。畫一界綫。直至薩母撒塔 *Samosata* 及馬拉替葉 *Malatya* 兩城中間之阿付拉底河濱。自此卽以河爲界。至近厄爾新美 *Lychnium* 之處。則界綫轉而南向。自此再畫一懸擬之界綫。至達拉布松稍東之黑海濱。自達拉布松迤東至巴統之地。雖仍隸於亞洲土耳其。然以地勢言之。則宜屬之亞美尼亞。不應屬於小亞西亞。然雖爲懸擬一界綫。讀者宜牢記此間。蓋並無天然之界綫也。

小亞西亞之名稱。雖由來已古。然以之用於書中。則尙屬晚後。希臘及羅馬之地輿家。尙不知用此名詞也。五世紀中有倭魯西斯者。首用此名。然觀其用此名時。加以小注。可知此名當時尙未通行。至羅馬時代所稱爲亞西亞者。則爲希臘古國貝加摩 *Pergamus* 舊地。羅馬置之爲郡。因以亞西亞名之。後此拓地漸大。已佔此土股之大半。然終不及今日小亞西亞之廣袤。且自倭魯西斯以前。從未有以小字加之亞西亞者。

近時輿地家又往往用亞那多里亞以名小亞西亞。此名起自希臘譯卽日出之意也。又命名曰利梵德譯卽東方之意也。亞那多里亞之名首見之於十世紀東羅馬君士但丁朴非羅其尼忒斯之紀載中。及突厥人來君是土仍沿用此名。然其包涵之地大小殊無定。有時僅用以名奇悉耳伊爾馬克河迤西之地。而其名亦有時包涵今小亞西亞界線以外之地。故不若以小亞西亞之名名此地爲佳。以上所定界線內之土地自阿付拉底河之馬拉替葉起。至與治阿島 (Tinos) 對峙之石角止。計長六百五十英里。然自進他大尼里海峽之西其厄姆角 (Sium) 畫一線至近達拉布松之界線。其長可七百二十英里。此地最寬之處自南海濱之亞那模爾角至北海濱之祁連北角。長可四百二十英里。然自斯肯得隆角畫一線至最近之北海濱 (近阿爾都) 其寬不過三百英里。故此間可名爲土頸。俾小亞西亞以與大陸相連。然古人於計算小亞西亞南北東西之距。至爲舛誤。黑魯度忒斯言強健之人自西里西亞 (南海濱) 步行至黑海濱之昔奴魄。僅歷程五

日而他人亦有言七日者。栢列尼則謂自三木遜至乙悉斯海灣僅有二百羅馬里（約英里一百八十）十八世紀之但微耳。尙言兩海相距至狹之處僅有七十英里耳。

由此觀之。則小亞西亞一地。實則不過一土股耳。前言小亞西亞與西蒲土股有絕相類之處。實則不獨此兩土股皆爲兩大陸極西之尾閭。及其所處緯度相同已也。且其中山河組織亦復相似。此兩土股之中央皆爲高原。高原四圍皆爲聯山。山與海之間則爲低原。此種低原至爲肥饒。然小亞西亞中央之高原較之西班牙中央之高原爲大。此高原佔全地之大半面積。其東部爲加巴度雪埃（Cappadocia）高原。此高原高出海平三千英尺。再有立考尼亞及伊掃利亞兩高原。而與討魯斯山相接。伊掃利亞高原其高出海平較加巴度雪埃高原爲尤高。此兩高原省之北。復有加拉替亞高原。而勿里其亞省亦大半爲高原。與勿里其亞省毗連之密西亞及別西尼亞兩省亦皆有少許高原在其境內。總之小亞西亞全地。

未有低至高出海平二千尺以下者。惟其北部及西部有極深之山谷耳。

小亞西亞面積之大如此。宜其中地勢之有高下。且不獨地勢之有高下。高原之上。聯山縱橫。有數山高出高原平面亦至高。惟因有此縱橫之聯山。故將高原分爲無數流域。而此流域皆彼此不通貫注。中央高原中有一與地之異蹟焉。其事維何。即爲有一流域。北起奇悉耳伊爾馬克及薩克利亞兩河發源之地。南至討魯斯山。此流域縱二百五十英里。橫一百五十英里。其面積既如此其廣矣。然其中之河流。皆無出海之處。因是而立考尼亞一省之地。遂多湖沼。其中之最著名者。斯忒拉蒲名之曰塔塔土耳其人名之曰土司拉 *Tuz Gölü* 意卽鹽湖之謂也。此湖之水味極鹹。較之死海之水爲尤鹹。此湖長四十五英里。寬十八英里。然水極淺。冬夏大小殊異。夏令湖水乾涸。水退之處。結鹽甚厚。

此多湖界以北之地。爲一饒瘠苦旱之地。小山起落。形勢極爲崎嶇。奇悉耳伊爾馬克及薩克里亞兩河之上流支流流行其間。舍此之外。別無水泉之地矣。此地

不生大樹。古人有稱此地之一區爲愛克昔勒斯者。譯卽無樹也。然自道累里厄姆起。經勿里其亞及喀拉替亞而至於烹忒斯及加巴度西亞。其間之地。廣可三百英里。彌望均無樹木。宜亦以愛克昔勒斯之名名之。此極大而無樹木多小山之地。自斯忒拉蒲之時。降至今日。皆爲牧羊之場。其地鮮有開墾以施種植者。且有多處荒涼無人煙。此大地中僅有數小鎮。鎮之四圍。間有多種花果者。

(山脈)小亞西亞山脈至繁雜。然近時學者。如韓密而登及切哈切夫等人。已發明不少。然世人終未能深知其細。其山峯之至高者。僅有少數業已測知。而內部諸山。經韓氏切氏及恩斯渥斯等人測量。然各執一見。終不能確知其高度。故此誌僅能言其山之至著者耳。

古今人論小亞西亞聯山之最著者。莫如討魯斯山。此山起西南之利西亞省。與海濱成平行線。而東向直至西里西亞與西里亞交界之處。此山共長四百餘英里。此山絡繹不絕。出海又絕高。蓋爲內部高原之天然界。以屏障其向地中

海之一面也。此山在利西亞及西里西亞之西，皆分出支山，達於海濱。然亦有多處山勢凹入內地，故山與海之間，有絕肥之淤地極廣。此山高度之真數，莫得其詳。蓋未嘗有以科學之法測量其高度者。今日地圖中所言某峯高若干，某峯高若干，皆本諸旅行人之言，不足深據。然此山多數之峯，其高約在七八千尺之間，有數峰甚至高一萬尺，或一萬一千尺。

惟利西亞一處之討魯斯山，曾經有人詳爲調查。斯忒拉蒲之言曰：此間討魯斯山分支縱橫，遠及海濱。山之中間，僅有極狹之谷。近河之處，雖有積淤之地，然不甚廣。故有人查得利西亞之討魯斯幹山，其高皆不過七千尺，而商失斯 *Xanthus* 山谷之東之阿克達格 *Acadaghi* 山，其高爲一萬尺，而蘇蘇斯達格山，則八千尺至九千尺之間。而亞達里亞海灣東岸之山名貝達格者，其高一萬零五百尺。討魯斯山止於何處，則殊莫能悉。至其各支山形如摺扇，或云馬克里海灣爲討魯斯山之極西界，實則山峰之與羅得島哈立卡乃失斯 *Talicarnassus* 及尼特斯 *Cnidus*

等處對峙者。皆爲討魯斯山發出之支山。古人言克里多尼亞角（利西亞之東南角）爲討魯斯山之西境。斯忒拉蒲駁之。言討魯斯山實止於羅得之對岸。諸山峯。討魯斯山中多仰盆式之山谷。有數處面積極大。四圍皆繞以白石之山。其間之水。無河流以爲之外洩。故其水皆成瀑布。傾瀉於極蠹之山壁。此等山谷土人名之曰崖拉。高自二千尺至六千尺不等。此山谷爲極佳之牧場。故突古曼及育魯克人皆以此爲過夏之處。討魯斯山全體皆爲白石質。與意大利之阿本奈因山及希臘諸山質地相同。河流之發源於此。以入海中。有多處潛行地中。水中含鈣炭養^三極多。故結成車渠石於水所流經之巖穴中。山與海之間之地。他處往往皆屬積淤所成。而此間則面上僅有浮鬆之土一層。其下即爲堅車渠石矣。討魯斯山之著名山峽。一爲自西皮拉 *Cilicia*（在勿里其亞高原中）至利西亞省商失斯之山峽。此山峽高二千五百尺。一爲自阿非翁喀拉希利爾 *Afion Kara-*

要之孔道。蓋自君士但丁至亞達里亞必取道於此也。亞達里亞者爲今日小亞西亞地中海濱最繁盛之海港也。一爲自庫尼厄踰喀拉曼而至毛德Zoni之山峽。自此復可通西里西亞海濱之克林得里埠。此山峽爲一千八百年里克大佐所經行者。蓋通塞普洛斯島最簡捷之路也。一爲極著名之西里西亞門戶。此峽不但爲自庫尼厄通北部喀伊撒里及南部豆爾蘇斯及亞達那之要道。且自來爲小亞西亞通西里亞及阿付拉底流域所必由之路。此峽極狹。兩旁臨峭壁。兩軍交戰。易於守禦。故稱爲險要。波斯王小沙勒斯往阿付拉底河時。以及亞立山大領兵至亞洲時。皆出此道。埃及藩王伊伯拉心叛土。据西里亞時。曾置守禦建壘於此。今其壘已毀矣。此山峽適界於討魯斯兩高嶺之間。其西爲布而噶塔格嶺。其東爲阿拉塔格嶺。高皆在萬尺至萬一千尺之間。討魯斯山自其西境以至於此。皆爲聯貫之山脈。然自此以東。則其方向大異。幾令人莫得其詳。小亞西亞及西里亞之間。山勢縱橫。零落不成整段。然其名仍爲討魯斯山也。古人中惟斯

忒拉蒲一人曾言其大畧其言曰此間討魯斯山分爲二支其向南而包圍伊色斯海灣者 *Taurus* (卽伊斯肯得隆海灣) 曰阿馬納斯 *Amans* 山此山爲小亞西亞及西里亞之界山其向東北之山彼命名曰安的討魯斯山經加巴度西亞之東部而漸漸低坦尋與平原相混合安的討魯斯山者實與阿拉塔格嶺相連界於息順河(卽沙勒斯河)及奇悉耳伊爾馬克兩河之間又與界於烹忒斯及亞美尼亞中間之山相連希臘之輿地家名山之界於麥立汀及 *Melinde* 考馬金 *Commagene* 之間者曰討魯斯山跨阿付拉底河而至亞美尼亞與其間之高原及高山相併合然此間諸山未經詳考故其形勢與夫接續皆不能確論然斯忒拉蒲言其山皆聯絡惟有極深山湖界乎其間息順河及日順河 *Jordan* (息順河之東) 皆發源於其間自喀塔倭尼亞 *Cathonia* 之高原流向西里西亞之平原阿付拉底河亦於是山發源流經極狹之山湖水勢湍急不可以舟行故自馬拉替葉(卽麥立汀)向南行至阿付拉底之沙母撒塔 *Samsat* 必取道歐克匿兒之山峽

始得達。此間之山皆極高。與考馬金西界之山相連。自此更名阿馬納斯。直至伊色斯灣而止。斯忒拉蒲言此山與亞美尼亞之山相連。其語至有見地。討魯斯山及安的討魯斯山之畧西。有多數之火山嶺。此山與討魯斯山絕不相連。其方向爲自東北至西南。長可一百五十英里。此山最北之一峯。古人名之曰阿其厄斯峯 *Ararat*。此爲小亞西亞最高之峯。高一萬三千尺。其基之圓徑可六十英里。去此山之西南六十英里。有火山曰哈商塔格。此山最高之峰。高八千尺。然其東北之地方。有此火山所噴出之石質極多。再此火山之西南。又有火山堆曰喀拉甲塔格。此山不甚高。而有極美觀之銳上圓式之火山峰極多。其中有數峰。尙有噴煙及灰之口存焉。此火山堆長約三十五英里。去此西南二十五英里。有喀拉塔格火山。此諸火山者。雖起伏不一。似絕不相聯。實則地層中之熱質。則確自東北至西南。而地面之山。適符其方向。故其暗脈仍屬爲一。

與此東北西南方向之火山成正角者。曰索丹塔格山嶺。此山延長一百二十英

里自阿非翁喀拉希利爾之左近起。止於庫尼厄之左近。其大畧之方向。爲自西西北至東東南。此山與討魯斯山之間。有一絕寬之山谷以隔之。此谷高三千尺。又有三高原湖。曰厄几斗爾奇立里及蘇格拉者以隔之。此山之中央高峯。高在六千尺以上。與索丹塔格山成平行綫而亦與之並高者曰愛米爾塔格山。此山之北爲勿里其亞。其南爲噶拉替亞及立考尼亞之平原。而立考尼亞之平原則廣原盈望。直接塔塔湖爲止。

小亞西亞中央之高原之西。有支山分出。直至愛琴海濱。此諸山之間。有景物極美。土地極肥之山谷。古時希臘人繁聚於此。城鎮至夥。此等山谷。近海而寬。故其分間之山。歷歷可以明見。且可分別其山之方向。以及形勢。一似此諸分間之山。皆爲獨立也者。迨一入內地。則此諸山團聚成堆。不復可分辨。希臘學者於此諸山皆有專名。可見其時尙以此諸山爲獨立也。

上言討魯斯山之西境。實爲愛琴沿海諸山不能分別。愛琴海內地之巴巴塔格

高山（在勿里其亞及喀里亞之邊境上）與界於利西亞及西皮拉替斯高原山谷之間之山實爲相連。又與博斯塔格山相連。此山爲西南之方向。爲喀里亞及西皮拉替斯之界山。然自此間有分出之低山。蔓延喀里亞全省。希臘名之曰李達山。格里厄姆及拉底麥斯山。此諸山者皆爲此中央幹山之分山。拉底麥斯與幹山實不甚相接。當視爲起於民得勒河之南岸。止於東南之高原。

民得勒河北岸之山。考據較切。斯忒拉蒲所言之米素極斯山起於蒲拉登 *Phila* 左近之高原。由此向正西行七十五英里。至近伊弗掃城之地方。至此忽向西南。止於形勢極險之三木遜塔格山（與薩摩斯島對峙）此山無極高之峯。其平均之高度在三千尺至四千尺之間。然頗聯貫。爲民得勒山谷之北障。山以北爲凱斯得山谷。與前山谷成平行綫。凱斯得山谷之北。則忒特勒斯山 *Tholus* 今名博斯塔格山。此山爲米素極斯山所支出。繞過凱斯得河之上流以後。即向西行。至近士麥那之處。沒入於海。此山之大半。皆爲黑爾默斯山谷之南障。然其西

端忽又分出一支山。山勢較卑而短。遂隔黑爾默斯河不面博斯塔格山矣。

黑爾默斯山谷之北。更有多數較低之山。此山界於黑爾默斯山谷及凱格斯山谷之間。Caicus 又界於凱格斯及亞得刺密地海灣之間。凡此諸山。以山脈言之。蓋與內地之特米爾其塔格山相連。Darius 特米爾其塔格山者。起亞得刺密地海左近之地。經迷西亞 *Mysia* 全省。止於勿里其亞之邊界。此諸山卽斯忒拉蒲之所謂忒木納斯山是也。此山與其東南之阿克塔格及摩拉德塔格高山亦相連。摩拉德塔格山爲黑爾默斯河發源之地。發源於此之諸河。惟黑爾默斯南流入愛琴海。其餘皆北流入愛琴海。亦有二河名馬失斯忒斯及林達格斯者。皆北流入馬爾馬拉海。

小亞西亞之西北角。自亞得拉密地海灣至伊弗掃城。皆有山脈聯貫。此地古人名之曰忒魯特。此間之山。以亞達山爲其中央之山峯。其最高之峯。今名曰喀斯塔格山。高五千七百五十尺。此山有多數小山爲其分支。其方向亦至不一。其分

山之中。以向西至來克登木角者爲最高。而馬爾馬拉海及他大尼里海峽中間亦皆爲其支山之小者所充拆。

小亞西亞沿黑海諸省。皆爲多山之地。凡界於中央高原及黑海之地。皆爲聯山所据。此等山初視之似極整齊。其方向大約均爲自東至西。然細察之。則錯綜舛誤。幾不可以筆誌其情形。且其中多數之山。皆無歷史之關係。故今僅言其大而著者如下。

最西之聯山曰密西亞之俄林普斯山。（希臘亦有俄林普斯山。此間加密西亞以別之。）起於密西亞及別昔尼亞之邊界。相近布魯撒城之處。其方向爲自西北至東南。界於林達格斯山谷及噶勒斯河發源諸山之間。（噶勒斯河爲薩克里亞河之支流。）此山高六千四百尺。自君士但丁及內地平原中望之。均可得見。此山蔓延六十英里以後。卽忽降而低。且與勿里其亞省之高原相混合。混無迹矣。然自此山復有附屬之支山分出。以與特米爾其見前相連。復另有支山分出。